

得荣县志

(内部参考)

民族文化宫图书馆复制

1960. 12.

7.5
0

說 明

本書係根據重慶市圖書館所藏劉贊廷藏稿和四川省民族事務委員會替我館在劉贊廷家中搜集到的一些資料草稿复制的。

劉贊廷河北人，清末在川滇邊務大臣兼駐藏大臣趙爾丰下任職。民國初年任川邊軍分統，后又任偽蒙藏委員會調查室主任等職務。此稿據他自己說是：“歷邊十四年，從事研究夷務時輯錄而成（見“邊藏芻言”）。

依“邊藏芻言”（劉贊廷著）記載，此稿包括：“（甲）邊務記錄八十餘卷……（乙）像片三千餘張……（丙）地圖五十餘張……。”現存的稿件除照片已佚散不少外，其他稿件和原記載大體相符。內容計有“西康建省記畧”“西藏歷史擇要”“趙爾丰奏設公牘”以及原康藏地區地方誌等。對原康藏地區的山川形勢，地域沿革，政治經濟，風土人情，~~歷代遺蹟~~喇嘛寺院以及所謂“改土歸流”的經過，~~都~~有所記載，對原康藏的史地研究，有一定的參考價值。

原稿頗為零亂，附件夾片很多，有上下文連接不上的地方和錯別字句，對此我們均未作任何補充和修改。僅對無法辨認的字，根據上下文的意思代為填入。地圖多係草圖，我們選印了其中比較完善的附於書后。照片尚存三百餘張，多係名勝古蹟，風景人物，關隘佛寺，土人習俗等，均無說明，故未复制。

民族文化宮圖書館

1960年12月 日

得榮縣原名得榮一名得隆藏名貝戎拉系一音之轉也歷屬巴唐正副土司所轄之地其旧制置百曹二人鈐束地方毋傲一人管理兵役有浪藏寺据传乡桑披寺由此分出亦名老桑披寺喇嘛千余系为黄教其主持名宜可等策騫不馴与普仲扎娃友善当巴唐改土归流未服暗助普仲扎娃作乱以为恢复巴塘旋經赵使平定乡贼拟徵收服此地迨赵使调署川督未暇顧反朗噶乘机藏番欲攻巴安肘新軍統領为赵淵即派管带程凤翔先赴盐危断藏番来源遴員往撫抗令不就竟敢四出擄掠扰及邻封至宣統二年滇督李经羲咨詢得榮未服吳为速患赵使令統領鳳山率兵往剿行至浪中頂一战而收服全境蓋百姓見巴裏兩塘設治免去一切差徭皆願改土归流不战自潰全境肅清遂將此地改为得榮縣附鳳山收服得榮反設治原函各一件

統領川邊巡防新軍兼帶中營副都統鳳山为收服得榮全境一律肅清事窃查前在次均稟呈一函及本月十九日至岸房一函諒邀鈞鑒即日接左管管帶顧復庆稟称於二十日至營开至奔都沿途并无战争又据后管管帶莫立羣稟报亦於十八日开至江迎候令查浪藏寺形势距岸房以南約五六十里中隔浪中頂間匪在此壘卡堵禦东距奔都約五十里沿河路道曲折西距江迎兩站中隔吉重納山遂令左后兩管东西夾攻使匪首尾不能顧及以中管帶馮海江由岸房大路直進約以本月二十九於浪藏寺会师去后有奔都头人各降巴者來管面称現在百姓皆不願抗拒官軍因前年浪藏寺大喇嘛宜可等共同百姓設誓不准归順漢人故此不敢前來投誠今日大皇帝

諭旨收服此地皆願改土歸流設置漢官如大兵前進百姓自退決不
抗戰等語竊查降巴言事尚明大義遂諭以浪藏寺喇嘛悉為本地百
姓子弟可令其亲友勸解回家免遭地方之荼炭如敢抗拒俟大兵到
時不但本身罪惡不免且連累家庭時降巴聞之甚以為然即厚賞之
令其連夜趕回分頭前往勸解遂於二十八日拔隊前進至浪中頂時
匪已撤去限即追趕于午後二鐘直達浪藏寺喇嘛已逃僅有老年喇
嘛十余人來營投誠據稱宜可等已于前日竊道中甸逃往西藏余則
渙散不知逃往何處現有本地兩百曹反協微等代領各處頭目前來
投誠候于距此數里之奪更村先由小的等代為轉呈可否准其前來
投誠等語都統詳查此次抗拒系由宜可喇嘛一人主持百曹等為巴
塘土司委任之官在此不過附會而已即令該喇嘛傳知前來投誠一
面清查浪藏寺內存有青稞兩倉小麥一倉朋火槍十三支刃矛二十
三件當時查封即駐于該寺翌日願管帶先到沿途亦無戰事午後康
哨弁率兵亦至據稱渡江無船臨時紮筏每筏只渡四五人康哨弁起
身時人尚未渡完莫幫帶在后督隊大約明后日可到遂令康哨弁駐
于寺內願營駐紮官寨是日百曹仁青翁吉與耶珠代領附近十三村
頭人來營請恕以前之罪都統以我帥以寬大為懷不究既往限七日
全體投誠該百曹等望闕叩頭謝恩隨留仁青翁吉住此支應柴草耶
珠代各頭人分路招安而去是役未傷一卒未費一彈奠定邊圉實仰
我帥之鴻福肅清全康俾使人民同登衽席特此伸報佑呈川滇邊務
大臣武勇巴圖魯啟

又正封函間接后營專差報稱幫帶莫立羣渡江因水勢洶湧行

至中流將筏復沒該幫帶及弁勇四名淹斃甚為可惜合併申明再請
發門牌護照各三千份以備招安之用又肩

為札委事照得本大臣現在派兵攻克巴塘屬之德榮地方浪庄
寺逆僧德榮百姓紛紛投誠一千數百家甘願當差納糧亟應派員前
往查糧勘地籌畫設治事宜茲查該倅已卸管裏塘堪以派往每月給
予薪水銀八十兩以資辦公除行收支局外合即札委為此札仰該倅
遵照札到之後即便將裏塘事務限十日內移交清楚速赴德榮將地
方疆域四至勘明繪圖貼說具報來案並將該處戶口若干每戶所種
之地每年大小季何季下種若干照章納糧若干所養馬牛羊若干應
納牲稅若干詳細造冊分報本大臣衙門及收支局直核批飭辦理特
札

右札委德榮委員李克謙准此

為行知事照得云云茲查李倅克謙已卸管裏塘云云除札委外
合即行知為此札仰該局知照特札

右札收支局准此

宣統三年二月二十七日

德榮委員李克謙詳呈遵章選舉保正村長由

為詳請示遵事竊照得榮東界定鄉南界中甸西界維西北界巴
塘幅員辽阔戶口繁多未蒙裁定以前一切庶務悉由土百戶協理

馬奉把持与喇嘛狼狽为奸小民受害切肤之痛大兵收復衙格外殊恩不究既往但責将来虽大众革面洗心傾忱嚮化而土百戶等名目亟应永遠革除以一漢制而免灰燼第改流伊始百務待興尤宜遵照通章選舉保正村長植自治之根基收指臂之效果當經通告各村一律選舉茲據各村百姓先後選舉前來復查所舉保正五人村長八十七人尚屬明白堪以委充隨將旧有土百戶等一派名目曉諭革除并別札委保正村長任事保正每人月支辛資六兩按月照支村長按管花戶多寡為衡每戶年給公費一咀均自六月初一日起在粮價項下扣支村長公費則對年發給以資辦公除由通判隨時教誡考察倘有舞弊營私反不堪事之保正村長即行撤換具報外所有革除土戶等名目選舉保正村長任事日期是否有當理合造具清冊並擬保正村長通守簡章繕摺詳請 憲台俯賜察核批示祇遵除分報報銷总局外為此具詳呈乞 照詳施行

計呈清冊一本 清摺一扣

右 詳

川滇總務大臣趙

宣統三年六月二十八日

批

詳冊均悉查保正五名尚与定章相符惟村長一項如小村者須合數村為一村至少亦須八十戶乃設一村長仰即另行辦理至所擬保正等辦事十六條暫行亦可繳冊暫存

宣統三年閏六月十五日

遵守簡章

計開

- 一各路保正有表率村長辦事之責務須公正勤慎以服人望
- 二各路保正有稽查各村長之杖如有任事不力及玩法舞弊之村長稟請撤究倘扶同徇隱與挾嫌誣讐者併坐
- 三各路保正村長同有稽查盜賊賭博酗酒打降等事如有違犯立即捕拏送官若人手众多即傳告就近百姓幫同兜捕但不得妄拏无辜致干咎戾
- 四各保正村長同有舉報該管村內及其他村內非常爭鬭之責若有不法之人欲為非常之事以及水旱火災飛速稟官察奪
- 五各村若有不慎於火該村村長務率村中百姓登時立往救撲如敢坐視不理察出撤懲
- 六沿江沿索各宜隨時留心稽察不准私渡兵勇以及無業游民如系因公差派即有路票公文驗明后始准放行倘敢私渡定惟該保正村長是究不稍寬恕
- 七各保正村長為眾人所公推無論僧俗百姓請評是非務須和平理斷不得擅作威福顛倒黑白干咎
- 八各保正有督率村長催糧傳案責任一經官諭催糧傳案即遵限辦理不得藉爭需索違誤限期
- 九各保正村長有轉傳示諭之責官出示諭善告大眾即行鳴鑼告知

以免众百姓不知事由

十得荣地方既经改流设官众百姓便与汉人一样看待务学汉人规矩剃髮洗脸穿裤该保正村长为人表率尤应一体遵行如再蓬头垢面定行罚徭

十一各村长务须随时劝告百姓每日清晨各将各门首洒扫洁净道路桥梁着须培补随时集众修好以利行人

十二各村长有管束村地面之权务告村众将所养牛马猪羊各人修圈喂养如有任意野放故践他人粮食者许禀官传讯讯实加倍罚赔以重农功

十三村中如有空地可以开垦者该保_正村长随时察明劝人开闢成熟具报勘丈照章三年期滿再行收粮

十四各村百姓如有婚嫁等事该村长即令来案領取婚书每套二份只取藏元半元别无丝毫使費若敢不遵禀官加倍罚填

十五各保正村长如有公事须面禀者随到随見勿得畏縮緘默

十六地方改流设官原为尔民除去苦悩以后元论何人見官不准用見面礼物违者責惩

宣 統 三 年 六 月 二 十 八 日

得荣设治委員試用通判造呈保正村长暨所管村落戶口清冊

计 开

一中路保正一人赵如松管村长十三名 第一村长王仁基管浪根頂村三十二戶 第二村长周仁均管夺更村七戶 第三

村长陈仁培管鴉丁党巴村十三戶 第四村李仁型管甲粗雨
博村三十八戶 第五村长谢仁垣管易堆村十九戶 第六
村长赵如松管易墨村二十五戶 第七村长张仁堃管臧桑村
二十戶 第八村长楊仁坚管臧仁村二十戶 第九村长阿
仁培管雪麥村二十戶 第十村长蒋仁增管迫丁村三十二戶

第十一村长孙仁墀管列布村二十六戶 第十二村长米
仁圻管业仲村二十二戶 第十三村长馮仁堪管雪堆村三十
七戶 以上中路大小共十三村计三百一十一戶

一东路保正一人錢吉貞管村长十名 第一村长錢吉貞管八呂
村三十一戶 第二村长黃以楷管則窪村二十二戶 第三
村长祝以模管干雍村十八戶 第四村长郑以栋管央工村二
十六戶 第五村长施以樑管湯多村七戶 第六村长潘以
斌管牙岡村十七戶 第七村长盛以榕管日夕丁村十七戶

第八村长姚以椿管貢巴頂村二十三戶 第九村长余以荣
管白登村二十七戶 第十村长周以楸管弩工村十六戶

以上东路大小共十村计二百零四戶

一南路保正一人王仁清管村长十名 第一村长王仁清管古学
村二十一戶 第二村长宋礼煌管奔雍村二十二戶 第三
村长汪礼煥管花雍村二十七戶 第四村长杜礼灿管多子村
八戶 第五村长田礼炯管熟称村五戶 第六村长高礼焜
管阿列貢村二十四戶 第七村长万礼煥管吉格頂村六十三
戶 第八村长鍾礼煥管魯公村三戶 第九村长郭礼煥管

日窪村三十八戸 第十村长肖礼燧管喀日村十戸 以上
南路大小共十村计二百二十一戸

一西路保正一人 孙得祿管村长二十九名 第一村长孙智鈞管
邦多德卓村二十戸 第二村长沈智鈴管噶色村四戸 第
三村长吳智鈺管猛堡村四十五戸 第四村长吕智銓管綢色
村十三戸 第五村长韓智銳管木工村十六戸 第六村长
秦智鏞管夺美寺村七戸 第七村长湯智銘管凍登村五戸

第八村长刘智錡管馬雪村十戸 第九村长方智鍊管噶运
村五戸 第十村长唐智鍵管宗国村七戸 第十一村长魯
智鐘管薩宗村七戸 第十二村长賀智鏘管舛木村十二戸

第十三村长雷智鑣管頌村十二戸 第十四村长常智鍊管
甲英村十一戸 第十五村长罗智劍管阿州村二十五戸

第十六村长乐智鎔管龙舛崗村四戸 第十七村长魏智鍾管
祿雪村四戸 第十八村长任智鎮管噶热布丁村十戸 第

十九村长孔智鐸管脚工村十戸 第二十村长吳智錦管甲居
村五戸 第二十一村长彭智鎔管雍額村十一戸 第二十

二村长傅智鍊管写热布丁村九戸 第二十三村长時智錫管
奔朱村十一戸 第二十四村长苏智鏗管札且村七戸 第

二十五村长薛智鎔管戎雪村十九戸 第二十六村长龚智鏘
管戎丁村十一戸 第二十七村长康智鏘管江葛村九戸

第二十八村长齐智鐸管甌雪村十戸 第二十九村长许智奎
管雍曾村二十三戸 以上西路大小共二十九村计三百四十

二戶

一北路保正一人李增榮管村長二十五名 第一村長李增榮管
卡穹頂村二十九戶 第二村長彭信澤管取斗彰札村十戶
第三村長楊信清管札渣村五戶 第四村長劉信沛管凍戛
村八戶 第五村長張信洽管夏戎頂村十六戶 第六村長
朱信洵管勛白村五戶 第七村長曹信洸管八朗村二十五戶
第八村長馬信浚管浪申頂村三十三戶 第九村長陳信
潤管業日村十三戶 第十村長周信渲管格松村十八戶
第十一村長謝信澄管索麥村三十一戶 第十二村長王信濟
管熱松村十四戶 第十三村長羅信濬管取雅村十一戶
第十四村長范信漱管賸過秀巴村七戶 第十五村長範信溶
管色底村八戶 第十六村長姜信潤管賸玉村十四戶 第十
七村長華信滋管通格村十二戶 第十八村長苗信溪管賸兄
根巴丁巴村十戶 第十九村長鄒信滿管札格村十三戶
第二十村長顧信湛管札鍋頂村五戶 第二十一村長強信清
管永達村八戶 第二十二村長米信渙管薩馬頂村十戶
第二十三村長傅信濃管咱丁村九戶 第二十四村長李信淦
管魚更村十一戶 第二十五村長徐信洪管茲日村十戶
以上北路大小共二十五村計三百三十五戶 統計保正五人
村長八十七名共管八十七村一千四百一十三戶除保正每名月
薪六兩按月支放外村長每戶年給公費一嘴共合銀圓三百五十
三圓一嘴對年支撥核銷合併聲明 宣統三年六月二十八日

方 位

本县在北經十六度东緯二十九度东倚桑披峇面据金沙江^中跨定波河其形势北寬南狭如桃全县面积共一万六千七百四十百二十方里其疆域北以岩房与茨塘山水沟为界沟南属得荣沟北属巴安东以桑披峇与定乡界北以白英村南以养古山为两县界址南以东窪隆色葱与云南中甸县界面以金沙江西南与云南德纳县界面与盐井县界

治 所

本县踞洛松山陽左为浪藏寺右为卡龚村县治 以前土寨改修为公署形势颯瞻以县前为市无城郭有小学堂一处一水环繞蜿蜒东南名龚水人民七十余户沿河而居一风景区也

乡 鎮

本县设治分为五路保正中路为卡龚村北路为奔都村东路为八日村南路为古学村西路为日雨村全县共有八十七村一千四百一十三户男三千零七丁女三千九百一十四口喇嘛八百余人

粮 稅

本县全年額收柴粮八百八十七石四斗五升二合牛馬稅全年征收三二藏元一千零六十三元金課无定由八百元至二千元有奇

山 川

本县中跨索麦河此河发源以敦县名三坝河因经定波亦名定波入境经索麦桥又名索麦河河水莽沟涌蜿蜒西南至阿里貢峡口鼓入金沙江河之以东为桑披岑南北横梗数百里至古学名养古山南伸转入中甸县河西由浪中頂通称为洛松山起伏环绕于西北全部为一游牧之地南接吉重納山西为居岗山童头不毛东西倾斜青草茸茸半为牛厂綿亘南伸名若布山森林密茂蒼翠蔽天为金沙江与定波河一分水岑也

交 通

县治北路北行经浪中頂六十里至岸房宿西北四十里至茨坞北通巴安县由岸房东北经索麦桥六十里至白英村北通以敦县东通火竹乡东路沿龚水而下九十里至奔都宿人煙稠密斜坡而上七十里至扎格頂东通定乡县此路沿途荆棘輿馬一小路也南路由县治东南行路道寬濶七十里至雪麦村宿过瑶姑桥沿索麦河东岸南行七十里至日窪宿七十里至多子宿七十里至喀日宿七十里至古学宿六十里至河列貢宿十里土照壁二十里至桥头南通中甸县此路北由岸房经索麦桥奔都南接日窪为巴安县通云南大道路亦平坦西路由县治西南行逾吉重納山上下七十里至至勒木牛厂宿下坡山道崎嶇四十里甲英四十里至河州村宿由此渡江西通盐井县西南经奔子楠西南通德納县

关隘

本县东以桑披岭为长城西据金沙江天险南以右学为咽喉依山面水形势危要旧有碉楼二座为据巴拉三村野番而建现已收服成为大道而形势犹在惟县治北境无险可据亦无所谓之关隘也

气候

本县气候温和全境无冰山以摄氏表腊月冷至百度六月热至百度余则常在七八十度之间其人民毡衫四季亦可度冬为一温和之区

地質

本县以索麦河为产粮之区南北沿河两岸四百余里土壤膏腴半为水田每年两季上季为大麦小麦青稞五月成熟下季多为豌豆蚕豆大豆黄豆玉蜀黍等八月收穫沿金沙江一带土质沃野乃多森林余则山地係为旱田如风调雨顺必然年收二季因本县设治在后无农民试验场除所产数种而外别无菜蔬如能闢荒引水灌溉楝石而耕教种稻棉为一丰富之区

花果

本县沿江一带及索麦河产桃李杏杜山茶木桃丁香芍药葡萄胡头近於南部有紫荆青竹藤罗芭蕉其草本者有野兰野菊百合何葵月季海棠鸡冠甘甲及不名之花数十种乃土人不知培养惟以

自生自灭索麥桥花家寺一带产一种野紅苕重有十余斤者食之密甜一特产也

森 林

本县东以桑坡岭南至养花山森林不断西以金沙江迤南北数百里杂树弥漫蒼翠蔽 所产松柏杉檜与各县相同县治北部悉为秃山惟有荆棘遍野高二三尺其叶圓形开黄花結果紅色皮厚黑仔如櫻桃其味酸甜八月成熟不落与枝幹連結乾时以待鳥食凡有此者必产鸚鵡此所谓天生一物必有食祿天然也

鳥 兽

鳥兽与各县同

藥 材

本县产鹿茸麝香鹿胎熊掌知母貝母虫草秦艽黄耳百合产野厚朴其树大有过围者高数丈皮厚如指入药神効名曰神朴其价甚昂覓之弗易盖因知其药者而不知其树当光緒中叶有滇人韓某於此挖金于深林中得其数株致为奇富誠一特产也

鑛 产

本县索麥河产金南北数百里悉为鑛山因藉水淘沙皆沿岸开採以索麥桥花家寺奔都卡龚扎稍日雨岳坡古学等厂出量丰富有

數百年以前之老鑛挖之不尽未開者尤多在以前係由滇人來此開採自民國以還數十年盜匪不清金夫裹步有土人臨近開採者間有駐防軍人採挖因不得其法猶不如前其鑛質悉為散土泥沙而金粒多為長方各種薄片夾雜碎石洗之不清名為馬牙金代黃白色金質成色不足較沙金價值百分減少二十記民國二年迎軍第四營駐此有正兵徐文者在奔都金廠得一金瓜重四斤六兩有奇嗣后金販購買秤之只有十兩眾皆詫異金販當眾試驗其法用大木盆內貯淨水將秤置於盆內秤盤入水秤之淨金只有十兩三錢遂將金瓜破開瓜皮為金其內悉為碎石合而秤之分毫不差蓋金在水中重量入秤石不入秤此分系金石重量之法頗近科學故而記之以為參考

附金廠請領執照原函二件

正 詳

德榮委員直隸州州判為據情轉詳事案據商民楊恒春呈稱竊商民寓居定鄉原籍四川省邛州大邑縣人年二十五歲于礦學頗有經驗現在賸過秀巴村側勘得札字山確有金礦約計六十餘丈除潘書恆認開四十丈外民願自備資本招集金夫十五名作為一棚人數認地二十丈前往開採以見金之日起每月繳課四錢懇乞轉詳欽差大臣發給執照俾商民得以動工開採等情據此委員當即同該商前往勘界于左距潘書恆廠界二丈右至橋頭對岸上至山腰下至路邊計地面积二十丈書立木牌界址合無仰懇憲恩發給執照由該商自備資本開辦照納課金如蒙允准一俟執照到日由委員照潘書恆辦法與商訂立合同令其動工開採並由委員隨時稽查動工見金日期按月

詳報備核除詳收支局外理合具文詳請憲台俯賜察核伏乞批示飭遵為此具詳瀕至詳者

右

詳

欽命二品銜代理川滇邊務大臣補用道傅

宣 統 三 年 十 月 初 三 日 委員丁時俊

詳

正

德榮委員直隸州州判為據情轉詳事案據商民潘書恆呈稱竊商民寓居巴塘志烏村原籍陝西西安府涇陽縣人年三十五歲于礦學頗有經驗現在德榮賸過秀巴村側勘得札學山確有金礦民願自備資本招集金夫三十名作為兩棚入數前往開採以見金日起每月每棚繳納課金四錢倘添集人數或產金稍旺再議增加懇請示期前往勘驗轉詳欽差大臣發給執照俾商民得以動工開採等情據此委員當即諭期前往查勘得札學山距賸過秀巴村八里許有礦地六十二丈于民田畜牧尚無妨礙當以眼同潘書恆丈量得礦地四十丈并立木牌界址上至山腰下至路邊左至黃泥坎右至大石坎為界合無仰懇憲恩發給執照由該商民自備資本開採照納課金如蒙允准一俟執照到日再由委員出示曉諭附近居民並與該商訂立合同令其動工開採除詳收支局外理合具文詳請憲台俯賜查核伏乞批示祇遵為此具詳瀕至詳者

計呈

合同一紙

圖一紙

右

詳